



**Meerarsiat meeqqat allat assigalugit feriarnissaminnut, ilaqutariittullu inuunissaminnut periarfissaqarnissaat qanoq sulissutigisinnaaneripput pillugu, apeqquteqaat aallaavigalugu oqallinnissamik siunnersuut**

(Inatsisartunut ilaasortaq Pipaluk Olsen, Demokraatit)

Demokraatit Inatsisartunut ilaasortaataata Pipaluk Olsenip pingaaruteqarluinnartumik, isumassuisumillu oqallissaarutaanut qujanaq.

Inuiaqatigiinnitsinni inoqarpoq aningaasangorlugu naatsorsorneqarsinnaanngitsumik, allalli inuunerinut nalilerneqarsinnaanngitsumik pingaarutilimmik ullut tamaasa allannguisartunik. Taakkua ilaagaat angajoqqaarsiaasartut. Meeqqanut inuunerminni atugarissaarpallaarsimakkajunngitsut angerlarsimaffiminnut, ulluinnarminnullu tikilluaqqusarpaat, minnerunngitsumillu qanilaarnermik tunisarlugit. Toqqissisimasimannngitsunut, nalornisimasunullu toqqissisimanermik, allanngujuissusuermik, qanilaarnermillu tunisarpup. Tamanna uagutsinnit ataqqineqangaassalluni pissutissaqarpoq.

Demokraatinit ersarissamik oqaatigerusupparput. Angajoqqaarsiat meeqqanut ataasiakkaanut suliassamik kivitsiinnerneq ajorput. Suliassamik inuiaqatigiinnut tamanut kivitsisarpup. Meeqqanut nutaamik aallartitseqataasarpup, nutaamik periarfissaqalersitseqataasarpup, pitsaanerusumillu inuuneqalernissaannut tunngavisseeqataasarlutik. Tamanna pillugu siunnersuut ullumikkut oqaluuserisarpup qitiulluinnartumik equivoq. Inuulluataarnermummi tunngassuteqangilaq. Tunngaviulluinnartunut ataqatigiinnermut, atassuteqarnermut, ilaqutariinnilu ilaasutut misigisimanermut tunngassuteqarpoq.

Feriarneq feriarnerinnaanngilaq. Feriarnermi asasat ilagineqartarpup. Meeqqat pineqartut arlaqartut amigaatigisimasaannik atassuteqaammik ineriartortitseqataalluni, toqqissisimanermillu pilersitseqataalluni eqqissisimaarneruvoq, qanilaarneruvoq, misigisaqatigiiffiullunilu. Misigisaappup inuuneq naatserlugu eqqaamaneqarsinnaasut, meeqqallu atugarissaarneranut aamma ineriartorneranut aalajangiisuusinnaasut.

Tamanna nalunngikkutsigu, taava aamma taamatut misigisaqarnissami kommunimi sorlermi najugaqarneq apeqqutaassasoq iluemoorsinnaanngitsoq ersarinnerulissaaq. Angajoqqaarsiat qanoq tapersorsorneqarnerat ullumikkut assigiinngillat, imaapporlu meeqqat periarfissaat assigiinngitsut. Tamanna illersoruminaappoq.

Ilutigisaanik angajoqqaasiat suliassamik annertoorujussuarmik kivitserermata aamma akuerisariaqarparput. Meerarsiartik feriatigisinnaanerlugu aningaasaqarnikkut imaluunniit ilumut feriatigisinnaassanerlugu qaavatigut nalornissagunik naapertuilluarnerunngilaq. Angerlarsimaffik meeqqamut ammaakkaanni, nuannersunillu misigisaqatigiinnissamik kissaateqaraanni pisariaqanngitsunik killilersuuteqassanngilaq.



# DEMOKRAATIT

Tamanna pillugu angajoqqaarsiat feeriarnissamut akiliunneqarlutik angalanissamut assigiimmik pisinnaatitaaffeqarnissaannik Inatsisartunut ilaasortap Pipaluk Olsenip siunnersuuteqarnera pitsaallunilu iluarpoq. Aaqqiineq tunngavinnik ilisimaneqartunik aallaavilik, pisariitsumillu aamma allaffissornikkut suliariuminartumik ilusilersorneqarsinnaasoq. Aaqqiissutaavoq angajoqqaarsiat suliaannik akuersaartoq, meeqqallu atugarissaarnerinik annertusaasoq.

Pingaarnerpaamilli oqariartuuteqarpoq. Inuiaqatigiittut angajoqqaarsianik eqqumaffiginninnitsinnik oqariartuut. Suliaannik pingaartitsinitsinnik oqariartuut. Oqaasiinnaanngitsunillu tapersersuerusussuseqarnitsinnik oqariartuut.

Naggataanimi meeqqat pineqarput. Meeqqat sumiginnarneqareersimasut ilaqutariinni akuusutut misigisimanissaannut pitsaanerpaanik sinaakkuteqarnissamik periarfissinneqarnissaat pineqarpoq. Nuannaalersitsisunik, toqqissimalersitsisunik, neriuteqalersitsisunillu misigisaqartinneqarnissaat pineqarpoq. Taamatut periarfissittariaqarpagut. Angajoqqaarsiallu ullut tamaasa allanngueqataasut taamatulli periarfissittariaqarpagut.

Oqallilluarnissarput qilanaaraarput.